



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

DLXXVI. Der Rath zu Salzwedel beurkundet das Testament Heinrich
Wickenbergs und dessen Stiftungen, am 16. August 1510.

Nutzungsbedingungen

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

ornn nakamelingen sonder Insperringe vnd Jennich wedderwille to ewigen tiden wol moge entricht vnd gehalten werden, des alle to groter bokanntnisse vnd merer vorfekeringe der wissenheit hebben wy vnser der Stat Secret wtliken heten hangen nedden an dussen bress, Na Cristi vnser hern gebort vefstieihundert Jar vnd dar na Im Teyden Jare, middewecken In den hilgen osterenn.

Nach dem Originale des Salz. Archives XXXVI, 7.

DLXXVI. Der Rath zu Saltwedel beurfundet das Testament Heinrich Wickenbergs und dessen Stiftungen, am 16. August 1510.

Wy borgermeyster vnde Rathmanne der olden Stadt Soltwedel Bekennen vnde bethugen apenbare In dessem breue vor alle die jennen, de en seen, horen edder lesen, dat In vnser Jegenwardycheyt de vorfychtyghe Hynryck Wykenberch, So eyn ffry Sasse, woll walz he an synem lycham kranck, jodoch van der gnade gades vornufftych, redelych vnde klock van synne, heft ghesetzeth synen latesten wyllen, Testament effie szelgherede vnde vnz des eyne szedel, dar Inne he fodann latesten wyllen, Testament effie szelgherede hadde vor theken laten, gheteged vnde vppgheantwordet, stede, vaste vnde vnuorbraken In macht tho holdende vnde tho blyuende, welck szedel van worden tho worden ludende vnde medebryngende is, szo hyr nha volget. In dem namen gades Amen. So nycht wyllers, wen de doth vnde aller vnwyffest, wan de stunde des dodes, dar vmme ick Hynrick Wykenberch, Hanszes szelyger szone, betrachte vnde neme tho berten vnde synne, Dat nen mynsche In dessem Jammerdale dem naturlyken dode enthgan moghe etc. den der vorwyffesten stunde mit ordenynghe eynes Testamentes, lasten wyllen effie szelgherede vorthokamende, habe ick, vpp dat myner nagelaten guder haluen nha mynem dode neyn vppror edder wedderwille moge Irwassen, myn Testament vnde lasten wyllen effie szelgherede ghesath, welck ick ock Jegenwardygen vor Jw, Erfamen, wolwyfen heren borgermeyster vnde Rathmann der olden stadt tho Soltwedell, So eyn fryg Sasse, sette vnde condere, In crafft vnde macht desser schryffte, wo ik dat In der besten wyse, form vnde ghestalt des Rechten don schall vnde mach, alle hyr na beschreuen. Int erste vnde bauen alle bouele ick myne arme szele gade deme almechtygen, mynem schepper, vnde dem vorbyddende marien, der moder ihesu cristi, mynem apostell vnde dem gantzen hemmelschen here vnde mynen lycham na christlyger wanheyt In de kercken vnser leuen frowen tho bestedygende. Gheue en vnde assignere dar nha, dat myne Testamentarien twe spenden vor myck vnde mynen broderen hanze, gotzelyger, de eyne des dages wen ik noch bauen erden vnbeграuen sta, vnde de anderen szo see erst konnen, myth brodt vnde speck den armen luden vnstrafflyck geuen schollen vnde de vier weken myt der Jar tydt vnde andernn milden ghedechnyssen ock na wanlyker wyse tho holdende vnde tho entrychtende. Dar na geue ick tho dem buwethe vnser leuen frowen kercken XX merck pennyng soltwedelscher werynghe vnde In allen andern kercken bynnen vnde hart vor Soltwedell Ichlycher kercken effie gadeshusze eynen Rynschen gulden an munthe. Item geue ock, beltedyge vnde ordynere tho geuende veer hunderth marck pennyng Soltwedelscher werynghe, als eyn hundert Rynsche gulden an myner houen vnde vertych rynsche gulden an mynen beyden kampen vnde dat nhasteinde vth

mynen redesten vnde wyffesten gudern tho gheuende, Dar van tho funderende eyne nye komenden effte ewych leen In der vogenanten kercken vnser leuen frowen vnde de fundation dar auer tho makende, wo ick, mynen Testamentarien vnd frunden tho loue. Men der wyle myn Swester Margareta myth orem hufiern Clawefz bertoldes leuen, schollen de liginge by on de tydt orer beyde leuende fryg blyuen vnde nba orer twyer dode by vnde an de vorstendere vnser leuen frowen kercken vallen, kamen vnde ewych blyuen myth dem boscheyde, so wy In dem slechte der Wykenberge were vnde de frunde dar vor beden, dem schollen de vorstender so effte sodan leen vorleddyget worde, vmme gades wyllen vorlenen. Item geue ick myner swe-ster anneken, jm Closter tho sunte Annen bogheuen, eynen breff van hundert gulden houetstoll vpp Roloff van kampen hufz vnde guder ludende vnde vorsegelth. Item ock ordinere vnde gheue ick dem gadeshuse vnde armen szeken tho sunte Illeben Souentych mark pennyng, de my Meynke Wykenberch, myn vedder, rechter wythlyger schult schuldich iſz, dar van alle jarlyges twe ewyghe bade den armen vnde krancken mynschen in dem suluygen gadeshuse thobestedygende vnde tho makende. Item geue ick myne suluern beker Clawes bertoldes vnde syner huf-frowen margareten, myner Swester, de tyd orer twyer leuende tho brukende, vnde van stundt, wen see sampt in god dem heren vorsteruen, schollen sodan beker an der kercken vnser leuen frowen ghebracht werden, ewych dar by tho blyuende vnde dat ghemeyne volck dar vth tho bo-rychtende. Dar na wen alle dulle vorghefchreuen gyffte vnde vthrichtynghe des szelgereden ed-der ander schulde, effte dar welcke ghesunden worden, entrychtet vnde in syne wege ghebracht vnde vorordent synt, boscheyde vnde ordinere vnde gheue ick alle myne nastendyge gudere, wur dee synt vnde auerblyuende werden, Margareten, myner leuen Swester, Clawes Bertoldes ehlyke huffrowen, rowelyken thobeholdende vnde tho ghebrukende. Inthende eruele ick vnde fet-the myne Testamentarien vnde dusses mynes lasten wyllen vullenbrynger, wo ick In de besten wyse vnde form erwelen vnde setten mach, nomlyken de Erfamen Clawefz Bertoldes, Cla-wefz konnygfteden, en geuende de gantze vulmacht, dussen mynen lasten wyllen tho endy-gende, myne guder vnde schulde, wath namen de syn, tho entfangende, In tho manende, tho vor-derende vnde van den enfangen dyngen tho qwytherende, Eyn offte mer mede testamentarien, so des bohoff were tho fyck tho teade, Ock allent dat jenne, so dar dorch van noden worde fynde, tho donde vnde tho vorderende vnde wyl ock de ghenomeden myne Testamentarien nycht hoger besweret weten, wen fyck als myne ghesunden guder vorstrecken, Protestere ock duth myn testament nycht nuthsam were effte dochte als eyn Testamente, dat yd den krefftych vnde do-gende sy als eyn ander mylde gyfft, edder wo dat van rechte alderbest dogen mach: vnde dat duth sulue Testament in allen weren moghe vullenkamen vthgheuoreth vnde bowereth werden, Des geue ick eynen jlliken sittenden Borgermeystere der olden stad tho Soltwedell vnde je-welyken bouen gheschreuen mynen Testamentarien eynen Rynschen gulden tho uordenste etc. Dulle alle wy vor gheschen vnde van vns Borgermeister vnde Rathmanne der olden stad tho Soltwedell, vorghenompt, In macht tho holdende, ghenliken tho blyuende anghenommen, Defz tho eyner bo-kantnyffe vnde merer wyssenheyt der warheyt hebben wy vnse der stad grote Inghesegell wyth-lyken hangen heten nedden an dussen breff. Gheschen synth dulle dynck wo vor vnde ghegheuen is dulle breff na christi vnser heren gheborth voffteyn hundert jar vnde dar na Im teynden Jar, Am frydage na vnser leuen frowen daghe assumptionis, de dar wafz de Sofsteynde dach des man-tesz Augusti.